

AD
AUGUSTUM,

Tu Civem Patrémque geras; Tu consule cunctis,
 Nec tua Te moveant, sed publica vota.

Claud. ad Honor.

Epigramma.

Augustus Cæsar, positâ, clementior, hastâ,
 Martia Civili temperat Arma Jocô.
 Otia, Victor, agit; Civémque Patrémque gerendo,
 Fulgida Majestas se quasi facta minor.
 Ponite, Mortales, fastum; Diis proximus Heros
 Hic Numen potuit dissimulare suum.

AD
CÆSAREM BRABEUTEN.

Civibus æternum, Cæsar, testatus Amorem,
 Pleraque, quæ dederas, præmia, Victor, habes;
 Fine Coronato, rari monumenta favoris,
 Consulis ad grates, ore favente refers.
 Marte Tuos Cives munis, atque Arte tueris:
 Ergò Corona Tibi Civica danda duplex.